



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Rex Ieroboam, cum tota familia, morbis plexus.

urn:nbn:de:hbz:466:1-45701

4. Reg. 5. 27. & Giezi, ac totius eius posteritati, ob avaritiam & mendacium, accidit. Neque ob gulam seipsum dumtaxat deiecit in morbos homines; Deus ipse, sicut primos parentes, ita alios carnum appetitores etiam serio & citò castigavit. *Unguis quippe, quod ascendit cum eis, flagrant desiderio, sedens & flens, iunctis sibi pariter filiis Israël, & ait: Quis dabit nobis ad vescendum carnes? Recordamur piscium, quos comedebamus in Ægypto gratis. in mentem nobis veniunt cucumeres, & pepones, porrigi, & cepe, & allia.* Annuit Deus, & pluit illis carnes ad manducandum. Sed citò præsto fuit vindicta. *Adhuc carnes erant in dentibus eorum, nec defecerat huiusmodi cibibus; & ecce furor Domini concitatus in populum, percussit eum plaga magna nimis. Quæ erat illa plaga? vehemens pestis, subita mortis: nec antè illi coturnices in ventre sepelierant, quàm ipsi in sepulchris concupiscentiæ sepulti sunt.*

IV.

Præsens quoque poena Dei fuit, quando Propheta regi Ieroboam ad altare stanti est de Iosia nascituro vaticinatus, quæ non libenter audiuit. Nam cum audisset rex sermonem hominis Dei, quem inclamauerat contra altare in Bethel, extendit manum suam de altari, dicens: *Apprehendite eum.* Et exaruit manus eius, quam extenderat contra eum: nec valuit retrahere eam ad se. Quod non factum est, ob poenam idololatriæ, in qua Ieroboam perseveravit, sed quia extenderat manum in virum Dei: dicens: *Apprehendite eum.* In qua voluntate rex non permansit, sed magis eum deinde honoravit, volens ei etiam munera offerre. Nimirum sæpe, etiam cum miraculo sanati, non ex toto convertuntur, immò sæpe penitus non corriguntur. Quare beneficium acceptum erit in maiorem illis damnationem, quod corpore sanati, animo malè affecto permanferint. Certè Christum etiam permanentibus in peccato sanitatem corporalem miraculosè aliquando dedisse, satis liquet in sanato Malcho, & in novem leprosis ingratiss. Porro, post triplex miraculum, scilicet arefactam & iterum precibus Prophetæ sanatam manum, ac scissum altare effusumque cinerem, non est reuersus Ieroboam de via sua pessima. Itaque in tempore illo agrotavit Abia filius Ieroboam. Immo tota domus Ieroboam & eversa est, & deleta. Nescitur sæpe, cur hic, cur ille ægrotet; sed pater in filio, & tota domus punitur ob patremfamilias,

Ios. 18. 10.
Luc. 17.

3. Reg. 13. 33.
& cap. seq.
v. 1.

miliis, quia nonnumquam tota domus in illo, aut cum illo peccat. Quamuis id genus poenae rarius infligatur. Saepè ex templo adest morbus, post commissum peccatum. Ita paulò antè memorato Giezi reuertenti dixit Elisèus: *Sed & lepra Naaman adharebit tibi, & semini tuo usq; in sempiternum.* Et egressus est ab eo leprosus, quasi nix. Vnus dies, immò vnica nox intercessit inter increduli ducis scomma, & impletum Elisèi vaticinium. Nam altera luce, *conculcauit eum populus in porta, & mortuus est.* De peste in populum à Dauide numeratum immissa, alio iam loco egimus.

Hanani Propheta increpauerat regem Iuda Asa, quòd fiduciam habuisset in rege Syriae, & non in Domino, iratusq; Asa aduersus Videntem, iussit eum mitti in neruum: valde quippe super hoc fuerat indignatus: Quid ei contigit? Quia Prophetam misit in neruum, quo pedes confringuntur, talionis poena plexus est. Nam agrotauit etiam Asa anno trigesimo nono regni sui, dolore pedum vehementissimo, & nec in infirmitate sua quasuit Dominum, sed magis in medicorum arte confisus est. Non vult contemni medicum Deus, quem iubet honorari: *Honora medicum propter necessitatem: etenim illum creauit Altissimus,* ait, à DEO enim est omnis medela: sed hac ipsa de causa, non magis est in arte medicorum confidendum, quàm in Deo, qui in morbis omnibus est inuocandus. Stultissimi mortales, qui in ualerudine laborantes tam sollicitè de medicis circumspiciunt, de Deo autè rogando & conciliando non cogitant, sine quo omnes medicinae sunt venena. Rectè proinde faciunt illi in Italia magistratus, ex quorum lege medici non audent, in agrotis curandis, antè progredi, quàm videant etiam medicos spirituales vocari. Ioram filius Iosaphat fratres suos & quosdam Principes Iuda occiderat, cui Elias (post raptum, ex eo loco, in quem Angelico ministerio translatus est, vt aliqui volunt) has litteras scripsit: *Hac dicit Dominus Deus David patris tui: Quoniam non ambulasti in vijs Iosaphat patris tui, & in vijs Asa regis Iuda, sed in ceptis per iter regum Israël, & fornicari fecisti Iudam, & habitatores Ierusalem, imitatus fornicationem domus Achab, insuper & fratres tuos, domum patris tui, meliores te occidisti; ecce Dominus percutiet te plaga magna, cum populo tuo, & filijs.*

V.

Eccli. 38. 1.

2. Paralip. 21.

12.